

## Galatia

<sup>1</sup> Ic onarunec me ic méjnéh zéyec niñac qahac, néj Yesu zéma i humuc igucnec meqelimiyeç Anutu mañgoc ierenj méli néju hahaya Yesuac Méliméli ic Paulo neñ imi

<sup>2</sup> ninzéh ninzéh dacmuna héçna moczoñ niguc kecçu iniguc momacnec hénaorinj Galatia baeciguc kecma kençu onac muru

<sup>3</sup> neñañ Anutu mañgocnina zéma Miñ Kewunina Yesu Kristo iorarunec ewa hia zéma luaenéh hama he énéçmimac niñac wanzinj.

<sup>4</sup> Kristonéh Anutu neñañ mañgocninawac ewa sinja méndacma neñañ baec yomuac hicñisai biria yomuacnec metecgé nénéçmimañ zé képésicnina niñac wamma eñeya séwi kekeçya wai nénéçmiyeç.

<sup>5</sup> Imuac iwac muru edamuya tetecgia qahac hema emma hema keçmac. Hélaçnec!

*Buñ suruc hiabia imi méj ménda hezac.*

<sup>6</sup> Ini Anutunéh Kristoac ewa hiayaiguc unuruma énépésiyec, wañu ini focnec i waima ackuažéc tanera méñiguc kendacçu imuac niñ welicgé énéçmizua.

<sup>7</sup> Wañu imi buñ suruc hiabia méj ménda wanzac, néj ic tosia ienenj mesoho énéçmima Kristoac buñ suruc hiabia imi zébirigic tanera méj wañanzac.

<sup>8</sup> Wañu nenenj me kua meme uñ méj kurumenj igucnec hahayanéh buñ suruc hiabia énézéyinj

imi mesohoma méñac énézémaciguc imi saecgi-naguc wandacmac.

<sup>9</sup> Walac énézéyi imuacnec mia deguc munğuc énézézua. Méñnéñ méñ buña suruc hiabia walac nimma késagic imi qahac, néñ méñac énézémaciguc imi saecyaguc wammac.

<sup>10</sup> Ni degucmi icnéñ niñgic sécgémac niñac wanzua me Anutunéñ niñu sécgémac niñac wanzua? Ni ic ieneñ welicgé némmu niñac zézua me? Ni ic ieneñ niñgic sécgémac niñac zéwinec imi Kristoac welen qeçe icya héla ménda wambinec.

*Anutunéñ Paulo dimuhuc héihéré miyec imuac suruc.*

<sup>11</sup> Dacmuna héčna, eneñ niñtecgicmu niñac énézézua, buña suruc hiabia zéauanzua imi ic méñac ewa siñ méndacmimia qahac.

<sup>12</sup> Imi mia ni ic méñac murunec ménda meyi me ic méñnéñ ménda ku néñec, néñ Yesu Kristo eñeyaoc measari néñu iwarunec meyi.

<sup>13</sup> Ni becnec Yuda ic ionac héná tima kerí imuaru, ini niñgic ésécnec Anutuac hénáorin réwérianec ununesi wañ énécmima mebiri énécmiyi.

<sup>14</sup> Wañu ni imi yawuñ momachécna sasala onogicma Yuda ic ionac héná imi selianec ninzénğéma yanda hécninawac ac paken meratéc memeya imuac seliseli wamma méndacañi.

<sup>15</sup> Wañu nenğocnawac héri qeri igucnec gésinéma ewa hiaya niñac wamma héihéré néñec inéñ mia

<sup>16</sup> Nañawac hénia imi ic enia ionac muru zéau énécmimañ niñac, i ewa qerinaiguc ewa hia

nimma mihicñi néñec nalé imuaru, ni baec ic iniguc ménda eminiñi.

<sup>17</sup> Wañu ic walac hénima Yesuac Méliméli ic ai megic ionac inicmañ zé Yerusalem ménda kenji, néñ moczoñ Arabia baeciguc kemmaguc Damasiko amaiguc lilingéma kenji.

<sup>18</sup> Imuacnec kecma yawuñ haréwéc tecgéyu Petero (Kefa zémimia) hémmañ zé Yerusalem ekehma i guc momacnec ai meme 15 keri.

<sup>19</sup> Wañu nalé imuaru Yesuac Méliméli ic tosara ménda iniri, néñ Miñ Kewuninawac munaya Yakobo iwacnec héñi.

<sup>20</sup> Héñgic, ni onac niñ wamma kiwi ozua yomi imi ikoc qahac.

<sup>21</sup> Imuac andiaiguc Siria zéma Kilikia baec keremba

<sup>22</sup> Kristoac hénaoñ Yuda baeciguc keczu ieneñ becñec kic tanecna ménda héñgic, néñ

<sup>23</sup> ic ménñ nunuhéi wañec iminéñ deguc ninzén ninzén walac qetéñgemañ zé wañañec imuac mia deguc zéaukeczac imuac sac zégic niñgic.

<sup>24</sup> Nimma nuac niñac Anutu mepésigic.

## 2

*Yesuac Méliméli ic ieneñ Paulo añgétima tétécgémigic.*

<sup>1</sup> Ai yawuñ 14 tecgéyu neñ Banabaguc Tito wagicma muñguc Yerusalem ekeniñ.

<sup>2</sup> Imi mia Anutunéñ nézéyu hémma ekehma buña suruc hiabia ic enia ionac sugginaiguc zéauañi imuacnec énézéyi. Énézéma aina memañac hezac imi zéma walac meyi imi

momacnec héla qahac ménda wambac niñac qacgina kenkeña ionacnec sac énézéyi.

<sup>3</sup> Wañu Girik ic Tito niguc momacnec kerec i acguc séwi tasia héricmac niñac ménda zénañgémiyi.

<sup>4</sup> Imi mia dacmuna ikora tosara éléñec harégic ionac niñac imuhuc wañi. Ieneñ imi Kristo Yesuac qeriaiguc hulacamuma kecziñ imi kowu ninicma acnéñ qaténénécmigic welen qeénécmiwiñ niñac imuhuc wañgic.

<sup>5</sup> Wañu buña suruc hiabia imi onac sugginaiguc nalé séc hemac niñac nalé hotoñadac méñ ionac ac niñac ménda bélacgéyiñ.

<sup>6</sup> Qacgina niñénécmigic keczu ionac sugginaiguc méñac méñ ewa éréhéc ménda wañanzua. Anutu imi ic ionac séwigena tanerawac ménda hémma énépésianzac. Ic qacgina kenkeña ieneñ méñac méñ ménda méra néñgic,

<sup>7</sup> néñ néwécgeñaiguc Peteronéñ séwiac asé kiwiginaguc ionac muru buña suruc hiabia énézémac niñ ai buña qemiyec ésécnec ni imuhucyanec ic enia ionac ai buña qenéñec imi héñtegicic.

<sup>8</sup> Wañu Petoro qindiñi mima séwi hericginaguc ionac Méliméli ic oporec inéñ mia ni momacnec qindiñi némma ic enia ionac Méliméli ic noporec.

<sup>9</sup> Wañu ai ic tandéya ésécnec zéma niñénécmianzu Yakobo zéma Kefa zéma Yohane ieneñ goi héihéiya nuac muru néñu hezac imi héñtegicma ni zéma Banaba imi ic enia ionac muru kenzic eñaoc imi séwi tasé hericheric ginaguc ionac muru kembinñ zé niñgic hiaruyu

yaizézénira zéma méranira qegic.

<sup>10</sup> Wañu maqeqeya ionac niñqeli énécmiwic imuacnec sac qesinércmigic. Wañu haka silic imuhucya imi neñ bec seliseli wamma meani.

*Paulonéj Petero zéqegetali wammiyec.*

<sup>11</sup> Wañu Kefanéj Antiokia ama arenjaiguc hayec imuaru hakasilic Képésiraguc ménj wañu musu qege wammima ac zémiyi.

<sup>12</sup> Walac Yakoboac murunec ic tosara hagic ienen ménda harédacgicnec Kefanéj ic enia iniguc momacnec nene nema tarec, néj ic ienen hosucgé énécmigic séwi hericginaguc ionac bac yandi yandi wamma néngacma keñec.

<sup>13</sup> Wañu Yuda ic tosara acguc toroqemima haka tilicqilicya wañgic, Banaba acguc ionac haka tilicqilic ginanéj hérémíyu sigima keñec.

<sup>14</sup> Wañu hémba buña suruc hiabia imuac héna dindiña hezac séc ménda tигic moczoñ yanda kicginaiguc Kefa\* yomuhuc ézéyi; Gi imi Yuda ic, wañu kileñ Yuda ic tanec qahac, néj ic enia tanec kecma némac niñac ic enia ienen Yuda ic ionac héna méndacmu niñ seliseli wamma héihéré énécmikeczañ?

<sup>15</sup> Neñañ ic enia késpedesguc kekera ionac murunec qahac, néj Yuda ic hícníyiñ.

<sup>16</sup> Késpedes solañ zémimia imi héna ac wawañ memeya igucnec qahac, néj Yesu Kristo ninzéhégé mimia imuacnec hezac imi ninziñ. Imuac niñ nini acguc Kristo Yesu ninzéhégéañziñ. Imi mia nini héna ac wawañ memeya igucnec qahac, néj

---

\* **2:14:** Kefa imi Hebiraió ac, Petero imi Girik ac, héníagira imi neñañ acíguc Zamanziñ.

Kristo ninzégé mini késpedes solarj zénénécmimac imuac niñ mia. Héna acac wawanj memeinguc séwi ic ménjac ménj késpedes solarj zémimia ménj ménda hezac.

<sup>17</sup> Neñan Yesu Kristoac qeriaiguc késpedes solarj zé nénécmimia wammac niñ seliseli wankecni késpedesicnéñ mihicñi nénécmimaciguc, Kristonéñ késpedes imuac welenj qeque ic wanzac me? Imi moczoñnec qahac!

<sup>18</sup> Ni némac iwawai ménj qema téngéyi imi muñguc meyac kumumanjiguc, hakana iminéñ measariyu nenaoc héna ac logilogi ic tanec wammañ.

<sup>19</sup> Héna acnéñ zétecgéyu humuma héna ac igucnec añgégéñ tiamuyi imi Anutuac kic hihi wamma qeliqeli kecmanj niñac imuhuc wanj.

<sup>20</sup> Ni imi Kristoguc ic héñgeña wéndaraiguc nurugic humuyi. Imuac deguc keczua yomi imi nenaoc qahac, néñ qerinaiguc kecnéñzac Kristo imi mia. Kekecna séwinaguc keczua imi goina héima nuac niñ wamma eñeya séwi kekecya waiyec Anutuac naña i ninzégéma ninzén ninzén imuac qeriaiguc kecanzua.

<sup>21</sup> Ni Anutuac ewa hiaya imi ménda qetalizua. Késpedes solarj wawaña imi héna ac igucnec haanzaciguc Kristonéñ eñ humuyec tanec wammac.

### 3

#### *Ninzénj ninzénjac héna.*

<sup>1</sup> O Galatia ic qelaña! Yesu Kristo imi dimuhuc ic héñgeña wéndaraiguc qegic keñkecma humuyec imi dindiñanec zéasari énécmiwa

nindacgic, nêj kilenj mérénêj ewa soho meénécimizac?

<sup>2</sup> Ni onac murunec haka momacguc sac qesinimmanj zé wanzua. Ini Uña Téréya imi hêna ac tohoma megic me Yesu ninzêngéma megic?

<sup>3</sup> Ini ewa soho wanzu me? Uña téréyaguc hénigic, nêj deguc Uña téréya waima séwiginawac sinjiguc metecgêwijn zé wanzu me?

<sup>4</sup> Ini haka kuhaguc sasala imuhucya hicji énécmiyu hêngic imi héla qahac enomia wanzac me? Imi hélacnec enomia me?

<sup>5</sup> Imuhuc wanju Anutu Uña téréya énécmima sugginaiguc kuc méréra mewininima kerec imi ta hêna ac tohotoho imuacnec me Yesu ninzêngé mimia imuacnec?

<sup>6</sup> Abarahamnêj Anutu ninzêngéyu ic solaña zémimia wanjec.

<sup>7</sup> Imuac ic embac ninzêj ninzêj igucnecnêj Abarahamac qelihéra wanzu imi niñasarimu.

<sup>8</sup> Wanju Anutunêj ic enia ninzêj ninzêngina niñac wamma solaña zé énécmimac imi walac niñasarima Abaraham buña suruc hiabia imi yomuhuc ézéma zéyec; Baera baera ic embac imi guac qerigaiguc mozogé énécmimia wammac.

<sup>9</sup> Imuac ic embac ninzêj ninzêj igucnec ienenj imi ninzêngéma kecañec Abaraham i guc mozogé énécmimia wammac.

<sup>10</sup> Mérénêj mênj hêna ac wawaña imuac héima nanzu séc saecac méra bawu keczu imuhuc ooyawac hezac imuac niñ hêna acac ai mezu séc saecac bawaiguc keczu.

<sup>11</sup> Wanju Anutuac kiwaiguc ic ménjêj hêna ac méndacma solañanimac ac séc qahac téngêj. Imi

mia ic solañanéh ninzéh ninzéhiguc sac kecmu.

<sup>12</sup> Héna ac imi ninzéh ninzéh igucnec hahaya qahac, imuac ic mérénéh héna aciguc kiwi hezac imi méndacanzac inéh héna ac qeriaiguc kecmac.

<sup>13</sup> Kristonéh neñañ niñac wamma saec ac zémimia wañec. Wañu héna acac saec ac igucnec mulu menénécmiyec. Imuac mia ic qahaiguc qegic nanaña séc saecac bawaiguc kekera imuhuc ooyawac hezac.

<sup>14</sup> Imi mia Kristo Yesuac qeriaiguc Abarahamac mériañnéh ic enia ionac muru kereñu neñañ ninzéh ninzéhiguc namma sisipac acac buña uña téréya nénécmiyu añgéh tiwiñ niñac imuhuc wañec.

*Héna ac zéma sisipac ac.*

<sup>15</sup> Dacmuna hécna, baec ic neñañ kecanziñ igucnec séséc ménh héima zéwa. Icac sisipac ac acguc zétecgéni ménnéh ménh aumac me toro qemacac séc qahac wañanzac.

<sup>16</sup> Wañu sisipac ac ménh yomi mia Abaraham zéma qelia iorac muru zézéya wañec. Wañu sasala niñac qelihécga ménda zéma momacguc sac niñac zéma guac qeliga zéyec. Wañu imi mia Kristo.

<sup>17</sup> Ni zézua imi yomuhuc niñac, Anutunéh walac zéseliyec sisipac ac yomi imi mia Moseac héna ac yawuñ 430 tecgéyuguc hicñiyec iminéh qeyu kemma héla qahac wammacac séc qahac.

<sup>18</sup> Mératéc imi héna ac igucnec hayeciguc sisipac ac igucnec hahaya qahac, néh Anutuac sisipac ac niñac wamma Abaraham ewa hiawac eñ miyec.





26 Ini moczon yanda ninzénj ninzénjgina niñac Yesu Kristoac qeriaiguc Anutuac nanhéra wamma keczu.

27 Némac niñ méjnénj ménj Kristoac muru toroqema doku naec énécmimia wañec séc Kristo imi owo malekugina ésécnec héigic meénécmiyu keczu.

28 Wañu ini imi Yuda ic me, Girik ic me, hésa ic me, miñ mañgoc kekera me, welenj qeque ic me, ic me embac moczonj Kristo Yesuac qeriaiguc momacguc wanzu.

29 Ini Kristoac buña keczuiguc imi ini Abaramac qelihéra wanzu. Wañu sisipac aciguc namma ini mératéc imuac miñina wanzu.

## 4

1 Wañu mératéc miñinanénj iwawai moczonj imuac miñina wanzac, néñ nambérac kecmac imuac suraiguc imi welenj qeque icac sécyá ménda ogicmac.

2 Wañu mañgocyanénj naléya zéyec séc mindi mindinji ic me ai ic kiwawac méra bawu kecanzac.

3 Imuac neñañ acguc imuhuyanec, nambérac kerinj nalé imuaru baecac héna tosia mamaya imuac welenj qeque ic kerinj.

4 Wañu nalé imi hahéiyu Anutunénj naña méli nénécmiyu embacac héri qeri igucnec zéma héna acac méra bawu hicñiyec.

5 Imi mia héna acac méra bawu keczu nini boñhéré menénécmima Anutuac nanhéra imuac buña nénécmiyu añgétiwijn niñac imuhuc wañec.

<sup>6</sup> Ini Anutuac nambérac wanžu imuac niḡac Anutunéhḡ eneya naḡawac uḡa imi ewa qerinaiguc méli nénécmiyu Anutuac Aba maḡgoc zéma qacanzih.

<sup>7</sup> Imuac gi degucmuacnec welenḡ qeḡe ic qahac, néḡ naḡa kecanzaḡ. Waḡu naḡa keczaḡiguc Anutuac murunec mératéc mema imuac miḡina wamma keczaḡ.

*Paulonéhḡ Galatia ic ionac niḡac goro ac énézéyec.*

<sup>8</sup> Ini bec imuaru imi Anutu ménda niḡasarima iwawai Anutu héla qahac imuac welenḡ qeḡegina kegcic.

<sup>9</sup> Waḡu deguc imi ini Anutu nimmizu, waḡu imuacnec toroḡema Anutunéhḡ ini niḡénécmianzac. Waḡu dimuhuc niḡac niḡiḡ enomia mamaya\* baecac niḡiḡ efefia imuac liliḡéma muḡguc imuac ziki sipac ichéra kecbih zé wanžu?

<sup>10</sup> Ini ai meme nalé zéma maso zéma kendoḡ yanda zéma yawuḡ imi eeya héima kecanzu.

<sup>11</sup> Imuac ni onac niḡac ai seliseli wamma meyi imi héla qahac wambac niḡac bac yandi yandi wanzua.

<sup>12</sup> Dacmuna hécnḡ ni onac séc wamma kecanzua imuac welec énécmima zézua, ini nuac séc wamma kecmu. Ini kecma hama haka biria méḡ ménda waḡ néḡgic.

---

\* **4:9:** Ic onac kekecginanéhḡ uḡa ionac méra bawu hezac zéma niḡzéḡgégic, waḡu imuac hénia imi ménni sikiluac kic taneraiguc hezac zéma imuac nimbih zé waḡgic.

13 Ni hénihéniaiguc imi hafi zepananénj waŋu onacmuru hama buŋa suruc hiabia zéauénécmiyi imi ini ninzu.

14 Nuac niŋgic réwérimacac séc imuhucyanénj séwinaiguc heyec, néj mema titi ménda waŋ némma ni ménda wainénjgic, néj Anutuac kua meme uŋa me Kristo Yesuac séciguc niŋnémma héihéré néngic.

15 Waŋu deguc ségiségigina imi dimia kendaczac? Ni héipuc ac héla énézéwa niŋgic. Nalé imuhucgeŋ imi wawaŋawac séc wambacnec kic gomacgina acguc hia néfindiŋgéma némbuac séc waŋgic.

16 Waŋu deguc imi ackuazéc héla énézéwa nuac niŋgic hazécgina wanzua me?

17 Ic imuhuya imi eneŋ onac niŋ wamma seliseli wanzu imi hénia hiabiawac qahac, néj wéségina misigic tosara andé unuma kemma ionac muru qékétama niŋhumu énécmimu niŋac imuhuc waŋ énécmima keczu.

18 Haka hiabiawac qeri siŋginanénj wawaŋa imi ni iniguc kecanzua nalé imuac sac qahac, néj nalé séc hiabia wanzac.

19 Nambérac hécna ni onac niŋac wamma merac memeya ésécnec azi niyu qeŋzeŋ manzeŋ qemanec kecha ewa qeriginaiguc Kristoac kekec tanera imi hicŋi tegiruguc waimaŋ.

20 Ni onac niŋac aurima sicsaoc wanzua. Imuac nalé yomuaru focdac hama iniguc kecma ewana melemma bénzéhneŋ ac énézémaŋ niŋ waŋ néŋu kecua.

*Haga zéma Sara.*

21 Nézégic nimba, héna acac méra bawu kecbin zé ninzu ini héna ac imi ménda nintegiczu me?

22 Yomuhuc mia ogic hezac; Abaraham imi nan héréra éréhéc keroc. Méné imi embac sisipac acyaguc iwac murunec mén imi embac sisipac acya qahac iwac murunec.

23 Welen qeque embac iwac murunec imi séwi busu igucnec hicñihicñiya, néñ embac miñina iwac murunec imi sisipac ac qelia igucnec hicñihicñiya wanzac.

24 Ac yomi séséc ac wanzac. Embac éréhéc imi sisipac ac éréhéc, mén imi Sinai baec boña imuaru welen qeque ic mihicñiyec Haga imi mia.

25 Haga imi Sinai baec boña Arabiaiguc nanaña, Yerusalem deguc hezac imuac sésécya. Inén eneya nambérac héra iniguc welen qeque ic wamma keczu.

26 Wañu Yerusalem mén kurumeniguc hezac imi ziki sipacya qahac hezac. Iminén mia nenhocnina wanzac.

27 Imuac mia yomuhuc ogic hezac; Embac euya qahac iwac qelihéranén embac euyaguc iwac nambérac héra ionac zañgégina ogiczac. Imuac niñac, o embac héfiña gi ségiségi wambésémañ! Azi ménda gianzac gi kucnec qacna!

28 Dacmuna hécna, ini Isaka ésécnec sisipac ac imuac nambérac héra wanzu.

29 Wañu nalé imuaru merac séwi igucnec hicñiyec inén merac uña téréya igucnec hicñiyec imi qenesi wammiyec séc deguc acguc imuhucyanec.

30 Wañu kiwi téréyanén dimuhuc zézac? Welen

qege embac zéma naŋa nesi érécmína keŋic. Némac niŋ welen qege embac iwac naŋanéŋ embac ziki sipacya qahac iwac naŋaguc momacnec mératéc ménda memaoc zéyec?

<sup>31</sup> Imuac dacmuna hécna, neŋaŋ imi welen qege embac iwac nambérac héra qahac, néŋ embac miŋjina iwac merachéra wamma kecziŋ.

## 5

*Kristonéŋ ziki sipac igucnec  
hulac nénécmiyec.*

<sup>1</sup> Zikisipacnina qahac kecbiŋ niŋac ziki sipac igucnec hulac nénécmiyec. Imuac niŋac naŋselima ziki sipacguc kekecac teŋ hésaya imi muŋguc ménda bisiwésémaŋ.

<sup>2</sup> Ninzu? Paulo neŋ mia énézézua, ini séwi tasé hericheric meénéc mimuiguc imi Kristo imi onac muru eŋomia wammac.

<sup>3</sup> Muŋguc zéauma énézéwa, ic mérénéŋ séwi tasé hericheric memimia wammaciguc inéŋ héna ac moczoŋ wamma medacmac ac hezac.

<sup>4</sup> Héna ac qeriaiguc ic solaŋa zéénécmimac niŋac wanzu ini Kristoguc toro qeŋeya imi tegicma goi héihéi igucnec metecgé énécmimia wanzac.

<sup>5</sup> Neŋaŋ imi uŋa téréyanéŋ naŋgé nénécmiyu ninzéŋ ninzéŋiguc solaŋa dindiŋa zénéénécmiyu nimbiŋ zé niŋkumuma mambécanziŋ.

<sup>6</sup> Kristo Yesuac qeriaiguc imi séwi tasé heric herira zéma ménda hericherira imi aigira qahac, néŋ imuaru imi Anutuac siŋ qeriaiguc ai meanzac ninzéŋ ninzéŋ imi sac hezac.

<sup>7</sup> Ini usunec hiabianec kenangic, néj méréneñ ackuazéc héla imi ménda tohomu niñac héric énécmiyec?

<sup>8</sup> Zéhinoc ac imuhucya imi unuruma héihéré énécmiyec Anutu iwac murunec ménda hicjiyec.

<sup>9</sup> Ninzu, yis komoranéñ saima uha dokuyaguc imi moczoñ sécgéanzac.

<sup>10</sup> Eneñ niniñ tosara ménda angetimu imi Miñ Kewuninawac qeriaiguc ninzégézua. Wañu ic méréneñ méñ ewa soho mihicñi énécmimac imi kitiwa memac.

<sup>11</sup> Dacmuna hécna, ni séwi tasé hericheric imuac hénia zéau énécmima kecbinec hénia némac niñac nuhéi wambunec? Imuhuc wambinec ic héñgeña wéndara imi aunénéña wañu iminéñ hénana ménda kizicgéwacnec.

<sup>12</sup> Ic méréneñ méñ yéwéri imuhucya mihicñi énécmima keczu imi eneñ séwiya sac qahac, néñ gocmiagina momacnec moczoñ héricdacma kecmu niñac wanzua.

<sup>13</sup> Dacmuna hécna ini ziki sipac qahac kecmu niñ unuruyec. Néñ ziki sipac qahac kekecneñ usugina wañ énécmiyu séwiac siñgina tohomu niñ nalé titiña ménda mihicñi énécmimac, néñ goi héihéiiiguc welen qeamuma kecmu.

<sup>14</sup> Imuac mia geñga goiga héi amuanzan séc imuhucyanec alagawac goiya héimibésémañ zézéya momacguc yominéñ mia hénac ac moczoñ mesolañanizac.

<sup>15</sup> Ini mia eñawunec kuanéñ inima qécgéamuma qahac wambu niñac goro ac énézézua.

*Anutuac Uña zéma séwininawac siñ.*

<sup>16</sup> Wañu mia yomuhuc zézua; Ini Uña téréyawac méndacmima hakagina wammu. Imuhuc wanjic séwiginawac siñsiñ imi ménda seligimac.

<sup>17</sup> Séwiac siñsiñ iminéñ Uña Téréya qetalimianzac. Wañu imuhucyanec uña téréyawac siñsiñ iminéñ séwiac siñsiñ qetalimianzac. Imuac siñsiñ éréhécnéñ hazéc wanamuma euyic haka méñ wambiñ zé ninzu imi wammuc séc qahac wananzac.

<sup>18</sup> Uña téréyanéñ hénagina walac andu wañ énécmimac imi ini hena acac méra bawu ménda kecmu.

<sup>19</sup> Séwiac haka silic imi usuya qahac hémma nindacziñ. Imi mia kaisero, niníñ zapi qeqeya, haka gamu qeqeya,

<sup>20</sup> baniara mepé qepési, suña zinac, hazéc hazéc kekec, danjero ac, nimbupuc biria, qeri bélañ, tualefic, féngéc, téamuma kekec, ackuazéc ikorawac téamuma kekec

<sup>21</sup> wanna wamba, doku selia nene, nezéléléñ, zéma haka imuhucya tosara mia. Becnec zéseli énécmiyi imuac séc zéseli énécmizua. Haka imuhucya wammu imi eneñ Anutuac héngalen ama areña yanda imi mératéc ménda memuc hezac.

<sup>22</sup> Wañu uña téréyawac héla gocmia imi mia yomuhuc. Goi héihéi, ségiségi, luae, qeri bénzén, ala kekec, ehéihéi, méñzé méñzéya qahac,

<sup>23</sup> gum bénzénzén, qerinéñ sigisigi kekec, haka imuhucyawac imi hena ac méñnéñ méñ neun ménda héianzac.

<sup>24</sup> Kristo Yesuac ic embachéra imi eneñ séwigina zéma imuac siñsiñ imi ic héngença wéndaraiguc



qedacgic.

<sup>25</sup> Neñañ uña téréyaguc kecziñiguc uña téréyaguc qéhéréngéma tacyac wambiñ.

<sup>26</sup> Edamu asaha eñomiawac ménda wamma eñacnec nimbupuc biria ménda wamma qeri netunetu ménda wañamumu.

## 6

### *Baocgé amuma kecmu.*

<sup>1</sup> Dacmuna hécna ic méñnéñ bélacgéma késpedesic méñ wañu winiñu hicñiyu ic téréya ini qerigina gum bénzénzén anec mindiñi mima eñañ hakagina acguc niñgési amuma eñañ acguc manam batuciguc embu niñac wamma bac yandi yandi wamma kecmu.

<sup>2</sup> Réwérigina imi wagic amuma bisimu. Imuhuc wamma Kristoac héna ac niñtohodacmu.

<sup>3</sup> Ic méñnéñ eñomia kecma eñeyawac niñu tosara onogicma eñeña wañu ic imi ikoc wañamuzac.

<sup>4</sup> Icyá icyá eñeya wawañ memeya héngalen wañamumac. Imuhuc wañu zézé ségiségi ac imi tosara ionac muru qahac, néñ eñeya wawañ memeyaiguc sac hemimac.

<sup>5</sup> Eñeya réwéria imi eñeyaoc bisimac.

<sup>6</sup> Ic méñ ackuazéc kumimia wamma niniñ niñaren géanzac inéñ iwac iwawaiya hiabia moczoñ ic kumianzac imiguc momacnec amunec qamunec wammaoc.

<sup>7</sup> Ic méñnéñ iwawai méñ himicmac imi héla imuacnec sac metocgéanzac. Imuac niñac ini eñaoc ikoc ménda wañamumu. Anutu imi ménda zédesi wammimia.

8 Eñeya séwíac niñ wamma himicanzac imi séwíya igucnec iwawai hou houyawac metocgémac, néñ uña téréyawac niñac wamma himicanzac inéñ uña téréyawac murunec keckec seli metocgémac.

9 Neñañ haka hiabia wamma kuc mama ménda wambíñ. Kuc mama qahac kecbíñiguc naléya ducñiyu héla gocmia metocgé wambíñ.

10 Imuac nini nalé he nénécmímac imuac séc ic embac moczoñ wawañ meme hiabia wañ énécmiwiñ. Imuhuc wamma ninzéñ ninzéñac héna gésé ionac imi séc méñ nétéréma imuhuc wañ énécmiwiñ.

### *Goro ac tetecgia.*

11 Héngic yomi mérananéñ kiwi imi kunéñ kunéñ o énécmízu.

12 Ic tosara séwiiguc kiwi hiabia mewíñ zé wanzu imi enéñ hínocgé énécmíma séwi tasé hericheric meénécmianzu imi Kristoac ic héñgeña wéndaraya niñac wamma ununesi ménda mi-hicñiwiñ zéma imuhuc wañanzu.

13 Wañu séwi tasé hericheric meénécmímia imi enéñ acguc eñaoc siñginanéñ héna ac ménda tohoma ini séwi tasé hericheric memu niñ zéanzu imi séwi tasé hericheric ic zañgégina olomma séwi enéñ wambíñ zé imuhuc wañanzu.

14 Wañu nuac muru imi Yesu Kristoac ic héñgeña wéndara imi qahac wañu, méñac méñ zézé ségiségi ac wammañac méñ ménda henénzac. Kristoac niñ wamma baec imi nuac muru ic héñgeña wéndaraiguc humuyu ni acguc baecac muru humuyi.

15 Séwi tasé heric herira zéma ménda hericherira imi moczoŋ enomia, néŋ kekec qelia meme imi sac eeyaguc wanzac.

16 Haka silic yomi tohomu onac muru zéma Anutuac Israel ic onac muru luae zéma goi héihéianéŋ he énécmimac.

17 Degucmuacnec ménéŋ ménéŋ réwéri ménéŋ ménda mihicŋi némmu. Ni imi séwinaiguc Yesuac lépéc kiwiya heyu késa kecza.

18 Dacmuna hécna Miŋ Kewunina Yesu Kristoac ewa hianéŋ onac ewa qeriginaiguc hema kecmac. Hélaacnec!

**SISIPAC AC QJELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665